

## ZAPISNIK SA 34. SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U SRIJEDU, 29.11.2022. GODINE

**Prisutni:** Amir Džidić; Džemal Kahrica; Merima Kurtović-Pašalić; Elvis Čengić; Mubera Herac; Samir Gadžo; Neda Tadić; Edis Fočo; Nihad Arnautović; Ekrem Agić; Dragan Miljević; Omer Bukić; Mustafa Baručija; Sadin Kavazović;

**Odsutni:** Josip Sogović; Rifat Kukić; –opravdano

Dnevni red:

1. Zapisnik sa 33. redovne sjednice
2. Aktuelna situacija u BHRT-u
  - izmjena pravilnika o sistematizaciji, sastanak sa advokatom
  - novembarska plata
3. Blagajnički izvještaj
4. Adriatic izvještaj
5. Pomoć
6. Razno
  - kalendari, rokovnici, upaljači, olovke, novogodišnji paketići za djecu

**AD 1.** A. Džidić je na osnovu člana 35. Statuta Samostalnog sindikata radnika u BHRT-u, otvorio 34. sjednicu UO SSR u BHRT-u i predložio dnevni red koji je jednoglasno usvojen. Zapisnik sa 33. redovne sjednice UO sindikata je jednoglasno usvojen.

**AD 2.** A. Džidić je upoznao UO da je privatnom linijom dobio uslikan document vezan za sistematizaciju I zbog kojeg su predstavnici rukovodstva sindikata održali sastanak sa pravnim zastupnikom E. Plećanom na kojem on lično nije bio prisutan.

Dž. Kahrica je istakao da je jednoglasno rukovodstvo donijelo zaključak da se konsultuje pravni zastupnik sindikata obzirom da se nije ispunila zakonska obaveza menadžmenta kada su u pitanju konsultacije sa reprezentativnim sindikatom. A. Džidić je tražio od menadžmenta da taj dokument zvanično dobije sindikat iako je on usvojen 17.10.2022. godine na sjednici UO BHRT-a. Sindikat nije dobio do današnje sjednice nikakav zvaničan dopis od menadžmenta. Sastanak sa pravnim zastupnikom je održan 21.11.2022. godine na kojem je istaknuto da se menadžment morao konsultovati sa reprezentativnim sindikatom po pitanju donošenja bilo kakvog opšteg akta a posebno kada je u pitanju izmjene I dopune sistematizacije.

Pravni zastupnik je naveo da je prekršen zakon u radu u institucijama I akti BHRT-a I predložio je da sindikat uputi zahtjev UO BHRT-a da se stavi van snage izmjene sistematizacije jer se nije konsultovao sindikat.

Dž. Kahrica i E. Čengić su napomenuli da je sastanak sa pravnim zastupnikom prošao jako dobro I ovakvi sastanci bi se trebali biti redovni što nije bila praksa u proteklom period. Dž. Kahrica je napomenuo da sindikat ima konsultativnu ulogu i nije ispoštovana procedura.

UO sindikata je jednoglasno usvojio prijedlog dopisa u kojem se zahtjeva od menadžmenta da se odluka o izmjeni sistematizacije stavi van snage obzirom da nije konsultovan sindikat. Pravni zastupnik će biti konsultovan u vezi ovog zahtjeva sindikata.

A. Džidić je napomenuo da je na prošloj sjednici sindikata generalni direktor najavio da bi plata za novembar mogla biti uvećana za 10% odnosno da bi se mogao vratiti bod koji je umanjeno na početku korone. Sindikat nema informacija do ove sjednice o mogućem povećanju boda. O. Bukić je postavio pitanje šta će biti sa uposlenicima kojima se dodaje na platu određeni iznos kako bi dobili minimalnu platu jer ukoliko se na koeficijent tih uposlenika bude vraćao bod od 10% ti uposlenici će imati istu platu kao I sada I ništa s tim nisu dobili.

M. Kurović-Pašalić je istakla da je situacija ozbiljna I da mora sindikat reagovati i tražiti odgovornost za sve propuste koji koštaju uposlenike. Prijedlog je da sindikat bude u stalnom zasjedanju.

Nakon duže rasprave sindikat je jednoglasno donio zaključke:

- stalno zasjedanje UO sindikata zbog situacije u kojoj se nalaze uposlenici BHRT-a

- sastanak sa advokatom sindikata o pravima radnika

- saopštenje sindikata koje će biti upućeno medijima ukoliko ne bude isplaćena novembarska plaća uvećana za 10%.

**AD 3.** Blagajnički izvještaj D.Karšić za mjesec oktobar 2022.godine je primljen k znanju.

**AD 4.** Izvještaj M.Herac o poslovanju sa Adriatic osiguranjem za oktobar 2022.godine je primljen k znanju. U mjesecu oktobru zabilježeno je 5 registracija što ukupno iznosi 67,36 KM povrata za sindikat.

**AD 5.** Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec novembar 2022. godine dobiju slijedeći članovi: Đapo Nihad 250KM, Avdić Sead 250KM, Hašimbegović Anes 150KM, Sofić Amir 250 KM (I dio). Ukupno 900,00 KM. Prijedlog odluke komisije je jednoglasno usvojen.

**AD 6.** M.Kurtović-Pašalić je tražila da se stavi na dnevni red kupovina paketića i promo materijala iako je svjesna situacije u kojoj se sindikat nalazi. M.Herac je predložila da se umjesto kupovine promo materijala izdvoje sredstva za kupovinu poklon bona za članove sindikata. Nakon kraće rasprave, zaključeno je da se do sljedeće sjednice usaglasi prijedlog u vezi paketića i eventualnih poklon bonova za članove sindikata.

Izvršni sekretar  
SAMOSTALNOG SINDIKATA  
RADNIKA U BHRT-u  
Elvis Čengiđ

Predsjednik  
SAMOSTALNOG SINDIKATA  
RADNIKA U BHRT-u  
Amir Džidić